

Naalakkersuisut attartornermut inatsisissatut siunnersuutissaminni pisortat inissiaatileqatigiiffiisa attartunngortussanut inissiamik neqeroornerminni inissiaq neqeroorutertik ukiut tallimat kingulliit iluanni oqummik ajornartorsiuteqartoq paasineqarsimagaangat nalunaartalernissaannik pisussaaffiliinissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

AAMMA

Attartornermut inatsisissatut siunnersuutissaminni attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat attartortut inissiamik allamik tunineqarnissaminnik annaasaqaratik naaggaarsinnaalernissaannik Naalakkersuisut suliaqarnissaannik peqquneqarnissaat pillugu Inatsisartut aalajangiiffigisassaattut siunnersuut.

Inatsisartunut Ilaasortaq Sofia Geisler, Inuit Ataqtigiit

pillugu

Sanaartornermut ataatsimiititaliap

siunnersuutip aappassaaniigassanngortinneqarneranut

ISUMALIUTISSIISSUTAA

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Justus Hansen, Demokraatit
Inatsisartunut ilaasortaq Pele Broberg, Partii Naleraq

UKA 2019-mi Ulloq 09. oktober 2019 siullermeerinninnerup kingorna siunnersuut ataatsimiititaliamit suliarineqarpoq.

Siunnersuutip imarisaa siunertaalu

Siunnersuuteqartup (UKA 2019/45)-mik siunnersuuteqarnermini kissaatigaa, attartornermut inatsisissatut siunnersuummini pisortat inissianik attartortitsisartut inissiamik neqeroornerminni inissiaq neqeroorutigineqartoq ukiut tallimat kingulliit iluanni oqummik

ajornartorsiuteqartoq paasineqarsimagaangat nalunaartalernissaannik pisussaaffiliinissaat pillugu Naalakkersuisut peqquneqassasut. Siunnersuuteqartup paasinninnera malillugu inatsisit atuuttut attartortussanngortussanut inissiammi iserterfigisami assersuutigalugu oqummut naammattumik illersorneqanngitsut.

Siunnersuuteqartup (UKA 2019/122)-mik siunnersuuteqarnermini aappaatut kissaatigaa, attartornermut inatsisissamut atorfik aqputigalugu inissianik innersuunneqartunut ukiut tallimat kingulliit iluani oqummik ajornartorsiuteqartoq paasineqarsimagaangat inissiamik allamik tunineqarnissaminnik annaasaqaratik naaggaarsinnaalernissaannik Naalakkersuisut suliaqarnissaannik peqquneqassasut.

Attartortut inissianut oqoqartunut illersorneqarnissaat taamaaliornikkullu oquup peqqissutsimut innarliisinnaaneranik sunnertinnissaannik pinngitsoortitsiniarluni.

Siunnersuutip inatsisartuni siullermeerlugu suliarineqarnera

Inissianik attartortittakkani oqoqartuni attartortut pitsaaneruseqarnerumik illersorneqarsinnaanerannik pisariaqartitsisoqarnera tunngavigalugu Inatsisartuni amerlanerussuteqartut siunnersuut tapersorsorpaat. Inatsisartuni amerlanerussuteqartut isumaqatigaat atorfik aqputigalugu inissiamik innersuunneqarnerminni attartortut oqoqarnikumut naaggaarsinnaanissaat. Inissiaatileqatigiiffiit inissiat attartortittakkat oqummik eqqugaasimasut nalunaarsorsinnaagaat, taamaaliornikkut inissiamik attartortut oqummik peqquteqartumik nappaateqalernissaannut illersorniarlugit amerlanerussuteqartut isumaqatigalugu oqaatigaat. Ikinnerussuteqartut siunnersuutip allaffissornikkut suliaqarnissaa annertuunik malitseqarnissaa pissutigalugu inissiallu attartortittakkap pitsaanngitsutut isigineqalernissaa ernumassutigalugu siunnersuut itigartitsissutigaa.

Apeqqutit

Ataatsimiititaliap siunnersuummik suliaqarnissaanut *Ineqarnermut Attaveqatigiinnermullu Naalakkersuisumut* ulloq 6. november 2019-mi arlalinnik apeqquteqarpoq. *Naalakkersuisumullu ilaasortap akissutaata assilineqarnerat Isumaliutissiissummut ilanngussaq 1-tut* ilanngunneqarput.

Siunnersuutip ataatsimiititaliamit siullermeerneqarnera

Inissiat oqoqarsimaneranik nalunaarsuuteqarnissaa, piffissami inissiap attartorneqarsinnaasutut inissianik innersuussinnermi innersuunneqartup oqoqannginneranut qulakkeerinnissutissatut naammangitsoq ataatsimiititaliaq isumaqarpoq. Ataatsimiititaliap kissaatiginartissinnaavaa, piffissami attartugassanngortinnerata nalaani inatsisitigut uppernarsaammik tunniussisoqartalernissaa pisussaaffinngussasoq, imaluunniit inissiap oqoqannginneranut allakkatigut uppernarsaasiisoqartalernissaa. Tamannalu atuutissasoq inissiaq nammineq attartorneqassappat imaluunniit atorfik aqputigalugu inissiaq innersuunneqarsimappat.

Ataatsimiititaliap erseqqissaatigissavaa, illuutigisamik attartortinneqartullu isumannaatsumik

aserfallatsaaliornissaat attartortitassallu attartortitsinerup aallartinnerani pitsaassutsimigut ajunnginnissaa isumannaatsuunissaallu pisussaaffigimmassuk Namminersorlutik Oqartussani kommuninilu attartortitsissartut. Ataatsimiititaliap isumaqarluinnarpoq, inissiaq peqqissutsimut innarliisinnaasumik oqoqarsimappat, pitsaassutsimigut ajunngitsutut isumannaatsutullu isigineqarsinnaanngitsoq. Inissiap pitaassutsimigut ajunnginneranik isumannaatsuuneranillu, tassunga ilanngullugu peqqissutsimut isumannaatsuuneranik inatsisit malillugit allagartamik uppersaammilluunniit tunniussinikkut attartortitsisup qulakkeerinninnissaa ataatsimiititaliap pissusissamisoornerusutut isigaa. Taamaattorli siornatigut qanoq ittoqarsimaneranik allagartamik uppersaammik attartortitsisartup tunniussinissaa pissusissamisoornerussasoq Ataatsimiititaliaq isumaqarpoq. Ataatsimiititaliap tassunga atatillugu oqaatigissavaa, allannguutissatut siunnersuuteqarnissamut periarfissaqanngimmat siunnersuut allannguutissatullu siunnersuut imminnut assigiiffeqarnissaannik ilusissatut piumasaqaatinut naapertuunnaviannimmata.

UKA2019/45-i pillugu:

Ataatsimiititaliap UKA 2019/45-p aamma UKA 2019/122-p suliarineranut atatillugu Naalakkersuisumut apeqquteqarpoq, ilaatigut kissaatigineqarluni inissianut attartortittakkanut oqoqalersimasunut ukiunut tallimanut kingumut isigisumik pilersitsinermi ukiumoortumik aningaasartuutissatut missingikkat pillugit naatsorsuinermik Naalakkersuisut saqqummiussisinnaanersut apeqqutigalugu.

Ataatsimiititaliap paasinninnera malillugu nutarsaanissamik pisariaqartitsinermut nalinginnaasumik nalunaarsuinermit ilanngullugu inissianik oqoqartunik nalunaarsuisarnissaq ingerlanneqarsinnaanngilaq.

Siunnersuuteqartup pisortat inissiaataanni oqummik nassaarfusimasunut nalunaarsuinermik pilersitsineq nalunaarsuutinillu aqutsinermit aningaasartuutit inissiaatileqatigiiffinni ataasiakkaani ingerlanneqartassasut anguniarpaa.

Ataatsimiititaliap eqqumaffigivaa Inissianik attartortitsisarneq pillugu Inatsisartut peqqussutaanni § 28, imm. 1 malillugu aningaasartuutit, oqoqarneranik misissuinermi oqummillu nalunaarsuinermi atorneqarsinnaasoq. Ataatsimiititaliali eqqumaffigaa inissianut immikkoortortaqrup akiligassaanik oqoqarneranik misissuinermit aningaasartuutit annertungaatsiarnissaat.

UKA2019/122-i pillugu:

Ataatsimiititaliaq inissiani attartortittakkani oqummik ajornartorsiutaasunik attartortullu inissianik neqeroorfigineqarnermini itigartitsisinnaalernissaannik periarfissaqarnissaat, inissianik attartortut illersorneqarnissaannik siunnersuummit pitsangorsaa.....

Peqatigitilluguli inissianut immikkoortortaqrfinnut ataasiakkaani najugaqartunut inissiat akiisa qaffannerannik malitseqarsinnaavoq. Tassunga peqqutaavoq agguaqatigiissillugu

inissiap attartortuerunneranit attartorteqqinneranut piffissap sivitsoriartuinnarnera. Inissiamik attartortitsinermit isertitanik annaasaqarnermik malitseqassaaq, tamannalu naggataatigut inissianut immikkoortorta qarfinni najugaqartunit allanit inissiat akiisa qaffannerisigut nammanneqartussanngortussaavoq.

Inissianik attartortitsisarneq pillugu Inatsisartut peqqutaanni § 28, imm. 1-imi, aalajangersarneqarpoq, attartortitsinermit isertitat tamakkiisut najugaqatigiiffimmi inissianik attartortitsinermit sukkulluunniit annertussusilerneqarnerini, najugaqatigiiffiup aningaasartuutitnik tamanik akiliisinnaanissaa periarfissineqassaaq.

Aningaasaqarnikkut kingunerisassai pillugit ataatsimiititaliaq naliliivoq siunnersuuteqartup allanguutissatut siunnersuutaa piviusunngortinneqassappat inissianut immikkoortortanut inissiat attartortinnerinit isertitassanik annaasaqarnertut kinguneqartussaammata. Siunnersuuteqartup aamma naatsorsuutigaa, nunatta karsianiit inissiat najorneqanngitsut aningaasartuutaanerannut akiliutissanik, imaluunniit oqoqareersut iluarsanneqarnissaannut aningaasaliisoqartariaqarnissaa.

Inissianut oqulinnut aningaasaliissuteqanngilaq. Konto pingaarnermi 89.72.12 suliassat normua 996.34.527 "Nutarterinerit isaterinerillu assigiinngitsut" inissianut attartortittakkanut oqoqartunut nutarterineritut atorneqarsinnaasut. Suliniutit "Nutarterinerit isaterinerillu assigiinngitsut" Namminersorlutik Oqartussat inissiaataat pineqarput. Namminersorlutik Oqartussat sulisunut inissiaataat pineqartillugit konto pingaarneq 87.72.10 "Sulisunut inissiat" pineqarput, tunineqarsimasunut imaluunniit oquk pissutigalugu isaterneqarsimasunut taarsiullugu. Tamassuma saniatigut konto pingaarneq 72.10.16 "Inissiat attartortittakkat, aningaasaliissutinit iluanaarutit", tassannga ilaatigut inissiat allangortiterneqarnerinut atatillugu qanoq issusiinik nalunaarsuinermit il.il. aningaasartuutit akilerneqartarput.

Ataatsimiititaliap naatsorsuutigaa Naalakkersuisut attartornermut inatsisissatut siunnersuutissaminni Inissianik attartortitsisarneq pillugu Inatsisartut peqqussutaat allangortissagaat taamaaliornikkut, inissiani attartortittakkani najugaqartut allat inissiat akiisa qaffannissaannut illersorneqarsinnaaniassammata. Taamaaliornikkut Inissianik attartortitsisarneq pillugu Inatsisartut peqqutaanni § 28, imm. 1-i, oqoqarnera pissutigalugu inissiamik itigartitsisoqartarnermut inissanik attartortitsinermik isertitassanik annaasaqartoqannginnissaa oqaatigineqarluni. Inissiat attartortakkat pillugit peqqisummi § 28, imm. 1 tunngavigalugu nalimmassaasoqartillugu inissianik inoqanngitsunik tigusiumanninnermi inissiat attartornerini isertitassanik annaasaqaratartoqarsinnaavoq.

Inatsimmi inissianik oqoqartunik attartornissamut itigartitsineq pissutigalugu attartornissamut naaggaarsinnaatitaaneq peqatigalugu allanguinermit/ilassummi attartortut allat inissianut akiliutaasa qaffatsinneqannginnissaat ilanngunneqassasut ataatsimiititaliamit kissaatigineqarpoq.

Immikkoortoq akuerineqassappat inissianut utaqqisunut allattorsimaffik qanoq annertusitigissanersoq Naalakkersuisunut nalilersorinnaasoralugu ataatsimiititaliamit apeqqutigineqarpoq. Takuuk **ilanngussaq 1**.

Siunnersuutip aningaasaqarnikkut kingunerisassai

Inatsisartut suleriaasaanni § 33, imm. 1-imi allassimavoq aalajangiiffigisassatut siunnersuutip siunnersuutip piviusunngortinneqarnerani aningaasatigut allaffissornikkullu kinguneritinneqartussat siunnersuutip tunngavilersuutaanut ilanngunneqassasut.

UKA 2019/45-i pillugu

Tamatumani siunnersuutit taakku marluk piviusunngortinneqarnerani aningaasatigut allaffissornikkullu kingunissaritinneqartut naapertuuttumik ilanngunneqarsimaneri aammalu siunnersuutit piviusunngortinneqarnerani tamarmik immikkut ukiup affaanik AC-fuldmægtigimik atorfeqartitsinertut naleqassasut ataatsimiititaliamit maluginiarneqarpoq, tassami siunnersuutit pineqartut inatsisit atuuttut nutarterneqarneranut ilanngunneqartussaammata. Tamatuma saniatigut ukiuni kingullerni tallimani oqummit paasisaqarsimanermik nalunaarsuisarfimmik pilersitsinermi ingerlatsinermilu aningaasartuutitaqassalluni.

UKA 2019/122-i pillugu

Attartortup inissiap oqoqarnera pissutigalugu inissiamut iserternissaminik itigartitsineranut inissianut inoqanngitsunut nunatta karsianit aningaasanik immikkoortsitsisoqarnissaa, kiisalu inissianut utaqqisunut allattorsimaffiup annertunerulernissaa naatsorsuutigineqassasoq siunnersuuteqartup siunnersuutigaa

Ataatsimiititaliap inassuteqaatai

Ataatsimiititaliami ilaasortat isumaqatigiittut immikkoortut akuersissutigineqarnissaat inassutigaat, Naalackersuisut Inissianik attartortitsisarneq pillugu Inatsisartut peqqussutaannik nutarterinerminni ingerlaavartumik ataatsimiititaliamik killiffimminnik ilisimatitsisarnissaat naatsorsuutigalugu. Sanaartornermut Ataatsimiititaliap aamma eqqumaffigaa Naalackersuisut oquk pillugu iliuitsinut aningaasaliissuteqarmata “inissianut qungujulasunut” inissiat oqoqarneri pissutigalugit inoqanngitsunut tamakkiisumik nutarsaanermut atorneqartartunik.


UKA2019/45

Tamanna tunngavigalugu Ataatsimiititaliami ilaasortat isumaqatigiittut siunnersuutip Inatsisartuni akuersissutigineqarnissaa inassutigaat.


UKA 2019/122

Tamanna tunngavigalugu Ataatsimiititaliami ilaasortat isumaqatigiittut siunnersuutip Inatsisartuni akuersissutigineqarnissaa inassutigaat.


Taamatut oqaaseqarluni siunnersuummilu allassimasutut paasinnilluni matumuuna ataatsimiititaliap siunnersuut aappasaaniigassanngortippaa.



Anders Olsen
Siulittaag




Aqqaluaq B. Egede
Siulittaasup tullia



Justus Hansen



Nikkulaat Jeremiassen



Pele Broberg



Inatsisartut Sanaartornermut Ataatsimiititaliaa
Att. Ataatsimiititaliami siulittaasoq Anders Olsen

UKA2019/45 aamma UKA2019/122 pillugit apeqqutitut akissuteqaat

Inatsisartut Sanaartornermut Ataatsimiititaliaata UKA2019/45-p aamma UKA2019/122-p suliarineqarneranut atatillugu paasinarsisisussanik apeqquteqarneranut Naalakkersuisut qujapput. Apeqqutit matuma kinguliani issuarneqarput, akissuteqaat kingornanniilluni.

UKA 2019/45 pillugu

Apeqqut 1: nissianut attartortittakkanut oqoqalersimasunut nalunaarsuiffimmik ukiunut tallimanut kingumut isigisumik pilersitsinermi ukiumoortumik aningaasartuutissatut missingikkat pillugit naatsorsuinermik Naalakkersuisut saqqummiussisinnaappat?

Akissut: Naalakkersuisut isumaqarput pisortat inissiaataannik attartortittakkanik oqoqalersimasunik nalunaarsuisoqassappat, tamatuma piviusunngortinneqarnissaa sioqqullugu inissiaq oqoqalersimasooq qanoq paasineqassanersoq tamakkiisumik ersarissumik nassuiaaserneqarsimasariaqartoq.

Apeqqummut tassunga INI A/S-imi paasissutissanik piniartoqarpoq. INI A/S paasissutissiivoq inissiaq oqoqalersimasooq suliaqarnermi tassaasinnaasoq uffarfimmi kannerit qernertunngorsimaneranniit illup sannaani ajoqusiinernut. Taakkua INI A/S-imi qanoq nalunaarsorneqartarnerannut ullumikkut suleriaaseqanngilaq INI A/S-ip oqoqalersimasooq paasiniarlugu avataaneersunik siunnersorteqartarnerata saniatigut.

Oquit pinngortitami silaannarmiittuupput aammalu inissiami oquk aalajangersimasumik annertussuseqartoq sukkulluunniit takuneqarsinnaasussaavoq. Oquit pujoralanni katersuussinnaapput, taamaattumik pujoralaat annertuneruppata oqoqarnerusussaalluni. Oquk annikitsoq sukkulluunniit silaannarmiittartoq, siammarnissaanut pinngorarfissaqarluarnerooq apeqqutaalluni, annertoorujussuarmik ajornartorsiutaalerluni ineriartorsinnaavoq. Kissassuseq, imeq aamma uumassusillit eqqorluarunigit, oquk ajornartorsiutaanerulerluni ineriartortussaavoq. Taassuma uuttortarnissaanut sinaakutissat aalajangersimaqqissaartut inissitsikkuminaatsorujussuussasut ilimanarpoq.

INI A/S oqoqalersimasumik paasisaqaraangat, attartugaq pineqartoq iluarsaanneqartarpoq. Oquttunut maskiinut nutaat, oqunngortussanik silaannarmiittunik piiasartoq, atorlugu tipeqarunnaarsitsisoqartarpoq. Taamaattoq maannamut taamaallaat Nuummi, kisianni tamanna aamma piffissap ingerlanerani illoqarfinni allani suliarineqarsinnaalissaaq.

Oqoqartut iluarsineqareeraangata, attartortittakkamut oqoqanngitsutut uppernarsaaserneqartumut tunngatillugu oquttunik unammilligassaqartussaannikkaluarpoq. Tamanna siunnersortit avataaneersut

08-11-2019

Suliaq nr.: 2019 - 24151

Id nr. 46448196

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

uuttortaanerisigut pisarpoq. Attartortittakkat taakkua pissusiviusuni nuuffigissallugit pilerinaateqartussaagaluarput, tassami iserternerup nalaani oqoqanngitsut uppernarsarneqareemat.

Attartortittagaq piffissap ingerlanerani oquiarneqarluni iluarsaanneqarsimanersoq, INI A/S attartortittakkani ataasiakkaani aqutaminni nalunaarsuisimanngilaq. Attartortittagaq sorleq piffissami aalajangersimasumi oqoqarneranik iluarsaassinissaq utaqqillugu inoqarsimannginnersoq, taamaallaat inoqanngitsunut allattuiffimmi takuneqarsinnaavoq.

Attartortittagaq oqoqalersimasooq, oqoqalersimaneranik iluarsaassinissaq siunertaralugu sanasunit takusarneqarsimasooq, attartortittakkatut oqoqalersimasutut oqaatigineqassappat, iluarsaassinissaq oqoqalersimanerata malitsigisaanik pisussannorsimanersoq akiligassiissummi imaluunniit inniminniiffiusumi takuniarlugu, ukiuni tallimani kingullerni sanasunit akiligassiissutit aammalu inniminniinermi allattuiffiit tassunga atasut INI A/S-ip misissortariaqalertussaavai.

Tamatumani sanasunit akiligassiissutit aamma inniminniinermi allatsiffiit tassunga atasut ukiumut 35.000 missaanniittut imaluunniit ukiuni tallimani akiligassiissutit 175.000-it misissorneqartariaqalertussaapput. Ukioq tamaat sulisussap ataatsip, qaammatisiutit malillugit ukiumi ataatsimi akiligassiissutit 10.000-it missaat inniminniinermi allattuiffittaqartut misissorsinnaappagit, suliassami ukioq tamaat sulisussat 17,5-it pisariaqartussaapput, 9 mio. koruunit missaannik aningaasartuuteqarfiussalluni.

Pisortat nalunaarsuiffigissaneraat imaluunniit ineqarnermi aqutsisut ingerlatseqatigiiffiit namminneerlutik nalunaarsuiffeqassanersut, apeqqummi allassimanngilaq. Pisuni marluusuni tamaginni IT atorlugu periaatsimik pisariaqartumik pilersitsinermut imaluunniit allaffissornermi periaatsip pioreersup naleqqussarneqarneranut aningaasartuuteqarnissaq naatsorsuutigineqartariaqarpoq. Tamanna aamma akeqarpoq. Taannalu naatsorsorneqanngilaq.

Apeqqu 2: Piffissaq nalunaarsuiffik ukiunit tallimanit ukiunut pingasunut sivikillineqarpat nalunaarsuiffimmut allaffissornikkut aningaasartuutit ikileriassasut ataatsimiititaliamit ilimagineqarpoq. Taarna isumaqarneq Naalackersuisunit isumaqatigineqarpa?

Akissut: Takuuk apeqqummut 1-imut akissut. Bilagit misissorneqartussat ikilissapput, tamatumalu malitsigisaanik aningaasartuutit missingersorneqartut taakkununga naleqquttumik annikillissallutik.

Apeqqu 3: nissianut nalunaarsuiffimmik ineriartortitsinissaq tunngavissalimmik pisariaqartinneqartutut Naalackersuisunit isigineqarpa? Inissiat ullumikkut oqoqalersimasut pillugit paasissutissanik Naalackersuisut ullumikkut qanoq katersisarnersut paasissutissiissutigineqassasoq ataatsimiititaliamit ilanngullugu kissaatigineqarpoq?

Akissut: Inissianut siusinnerusukkat imaluunniit maannakkut oqoqalersimasunut nalunaarsuiffimmik ineriartortitsisoqarnissaanut tunngavissalimmik pisariaqartitsisoqartoq Naalackersuisut isumaqanngillat. Inissiaq iluarsaanneqareersoq, inissiatut attartortittakkatut innersuunneqaqqittarpoq. Oqoqalersimasut iluarsaanneqareerpata aammalu siunnersortit avataaneersut uuttortaanerisigut oqoqanngitsutut uppernarsarneqarlutik, attartortittakkamut tunngasunik unammilligassaqaqartussaannikkaluarpoq. Attartortittakkat taakkua pissusiviusumi nuuffigissallugit pilerinaateqarput, tassami iserterfigineqarnerisa nalaanni oqoqanngilluinnartutut uppernarsarneqareemat.

Inissiaq attartortinneqanngippat, inoqanngitsunut aningaasartuutit annertusiartuinnartarput, tassani attartortitsinermit isertitassat annaaneqarlutik, aningaasaliissutinit pissarsiassat annaaneqarlutik aammalu allaffissornermut akiliutinut aningaasartuuteqartoqarluni kiisalu inissiamut taartissatut atorneqartumut aningaasartuuteqartoqarsinnaalluni. Attartortut inissiamut innersuunneqartumut, siusinnerusukkut oqoqarsimasumut, taamatuttaarlu inissiatut oqoqalersimasutut oqallisaalersimasumut, akuersinnginnissamut periarfissaqassappata, tamatuma kingunerisaanik aningaasartuutit taakkua annertuumik qaffattussaapput, taamaattumillu siunissami kommuni taamatullu Namminersorlutik Oqartussat aningaasartuuteqalertussaallutik.

Inissiat oqoqalersimasut, oqoqalernermik malitseqarsinnaasumik isugutaap erngullu ajoqusiinnaanerannik annikillitsinissaq aallaavigalugu, iluarsaanneqarnissaannik qulakkeerinissaq Naalakkersuisut annertumik aalluppaat. Taamaattumik Naalakkersuisut 2015-imiilli tamatumunnga suliniuteqarnissamut aningaasaliissutinik immikkoortitsisarput, oqoqarnerat pissutigalugu inuerutsinneqarnerisa kingorna inissianik – 'inissianut qungujulasut' najoqqutassiaq malillugu – tamakkiisumik iluarsaassinermut atorneqartartunik. Suliassat Namminersorlutik Oqartussat iluarsaassinermut allattoqarfianit suliarineqartarput, tassani inissiat iluarsaanneqarsimasut nalunaarsorneqartarlutik.

Apeqput 4: Inissiamik attartornermik atsiortoqannginnerani inissiaq siusinnerusukkut oqoqarsimasoq paasissutissiissutigineqarsinnaappat Naalakkersuisut isumaat malillugu attartortut pitsaannerusumik qulakkeerneqarsinnaassagaluarpat?

Akissut: Inissiaq oqoqalersimappat, ajoqusiinerit iluarsaanneqartarput. Taamaattumik tamatuma attartortut siusinnerusukkut pisimasumik pisariaqanngitsumik ukkassilersiinnarsinnaavai.

Apeqput 5: Ineqarnermut maanna iluarsaaqqinnermut peqatigitillugu aalajangiiffigisassatut siunnersuutip UKA 201 9/45-p piviusunngortinneqarnissaa aporfissaqarpa?

Akissut: Tamanna kommunit aalajangeeqataatillugit aalajangiiffigineqartariaqaraluarpoq, tassami inissianik attartortittakkanik, siusinnerusukkut oqoqarsimasunik, nalunaarsuineq, siunissami allaffissornikkut aqutsinissamut aammalu kommunit aningaasaataasa aqunneqarnerannut aammalu ineqarnermut suliassaqarfimmi suliniuteqarnernut, atalluinnarmat. Tamanna allaffissornikkut periaatsinut taakkualu naleqqussarneqarnerannut pingaaruteqarpoq aammalu inissianik aqutsinermut akigitamut pingaaruteqarsinnaalluni.

UKA 2019/122 pillugu

Apeqput 1: Inissiap neqeroorutigineqartup siusinnerusukkut oqoqarsimanagera pillugu attartortut inissiamik neqeroorutigineqartumik itigartitsinerisa nassatarisaanik inissiaqarfimmi inissiat arlallit inoqannginnerat pissutigalugu ineqarnermut akiliutit qaffanneqarnissaat pakkersimaarniarlugu aningaasanut inatsimmi aningaasanik immikkut immikkoortitsisinnaaneq Naalakkersuisunit periarfissatut isigineqarpa?

Akissut: Konto 72.10.16-imi Inissiat attartortittakkat ingerlanneqarnerat, aningaasaliissutinit iluanaarutit, kontoqareerpoq, tassani ilaatigut inoqanngitsunut aningaasartuutit matussuserneqartarlutik. Inoqanngitsunut aningaasartuutiniippat attartortitsinissamut periarfissaqannginneq pissutigalugu inoqanngitsunut, oqoqartunik

iluarsaassinermut imaluunniit illuutip isateriaannangortup imaarneqarnerata ingerlaneranut aningaasartuutit.

Apeqqu 2: Immikkoortoq 122 akuersissutigineqassappat inissianik utaqqisutut nalunaarsorneqarsimasut qanoq amerleriartiginissaannik nalilersuineramik Naalackersuisut saqqummiussisinnaappat?

Akissut: UKA2019/45-imi apeqquummut 1-imut akissuteqaammi allassimasutut, inissiaq oquiarneqarsimasoq, tamatuma kingorna oqoqanngitsutut uppersarneqartarpoq, aammalu peqqinnissamat aarlerinaateqarani. Taamaattumik oqummik akornuteqarneq eqqarsaatigalugu, inissiap attartortittakkap neqeroortutigineqartup tigujumanginnissaanut naapertuilluartitsisunik, tunngavissalimmik tunngavissaqanngilaq. Attartortittakkap nuannarinnginneranut allanik pissuteqartut aammalu siusinnerusukkut oqoqarsimaneranut tunngavilersuutinik atuiniartut, qassiussanersut eqqoriaruminaappoq.

Apeqqu 3: Immikkoortoq 122 akuersissutigineqassappat nunattalu karsia taassuminnga matussusiinngippat inissiat attartortittakkat "inoqanngitsut" pissutigalugit ineqarnermut akiliutit qaffaatigisinnaasaat pillugit naliliineramik Naalackersuisut saqqummiussisinnaappat?

Akissut: Inoqanngitsunut aningasartuutit inissiap attartortittakkap siusinnerusukkut oqoqarsimaneq pissutigalugu attartortitsiniapiloormermut tunngassuteqartut, najugaqatigiiffimmit matussuserneqassapput. Inoqanngitsunut aningaasartuutit annertuneruppata, najugaqatigiiffiup aningaasartuutit nammineeeluni akilersinnaanngippagit, najugaqatigiiffik taakkua matussuserneqarnissaannut Nunap karsianut aningaasassanik qinnuteqarsinnaavoq. Paasissutissanik nalunaarsugaateqarani naliliisoqarsinnaanngilaq.

Apeqqu 4: Pisortat inissiaataat attartortittakkat qassit oqoqarnerisut Naalackersuisunit ullumikkut ilisimaneqarpat?

Akissut: INI A/S paasissutissiivoq, inissianut INI A/S-imit aqunneqartunut, inoqanngitsut oqoqalersimaneq pissuteqartut, amerlassusaat taamaallaat naatsorsorneqartut. Inissiat sulit najugaqarfigineqartut, kisiannili ajornartorsiummi ilaasimasinnaasut pillugit INI A/S paasissutissaateqanngilaq.

Apeqqu 5: Inissiat attartortittakkat oqoqartut tamarmik iluarsaanneqassagaluarpata aningaasartuutaasussat tamarmiusut Naalackersuisunit ilisimaneqarpat?

Akissut: Tamakkiisumik takussutissiamik takutitsisoqarsinnaanngilaq, tassami apeqquummut nr. 4-mut akissuteqaammi allassimasutut, oqoqarneranik pissuteqartumik inoqanngitsut amerlassusaat taamaallaat naatsorsorneqartarput, taamaattumillu inissiat najorneqartut, ajornartorsiummi ilaasimasinnaasut, amerlassusaat pillugu paasissutissaqanngilaq.

Tassunga tunngatillugu oqaatigineqarsinnaavoq, piffissami 2015-imiit 2019-ip qiteqqunneranut 'inissianut qungujulasunut' najoqqutassiaq naapertorlugu inissiat 190-it sinnerlugit iluarsaanneqarsimammata. Tamatumunnga aningaasartuutit ataatsimut katillugit 56,7 mio. koruuniupput, inissiamut ataatsimut agguaqatigiissillugu 295.000 koruuninik akeqarluni.

Aammattaaq oqaatigisinnaavara maannakkorpiaq najoqqutassiaq malillugu iluarsaassinerit ingerlasut imaluunniit piaartumik neqeroortitsivigineqartussat 60-it sinneqarmata. Tamatumunnga missingersuinerit ataatsimoortut 18,5 mio. koruuniupput. Tamatuma saniatigut 2020-mi suliassap aallartinneqarnissaanut pilersaarusiorneq ingerlavoq.

Apeqqut 6: Ineqarnermut maanna iluarsaaqqinnermut peqatigitillugu aalajangiiffigisassatut siunnersuutip UKA 2019/122-p piviusunngortinneqarnissaa aporfissaqarpa?

Akissut: Tamanna kommunit nammineerlutik aalajangiiffigisariaqarpat, tassami inissianik attartortittakkanik siusinnerusukkut oqoqarsimasunik nalunaarsuisarnissaq, siunissami allaffissornikkut aqutsinissamut aammalu kommunip aningaasaataannik siunissami aqutsinissaq aamma suliassaqarfimmi suliniuteqamissamut, tunngalluinnarpoq.

Inussiarnersumik inuulluaqqusillunga



Karl Frederik Danielsen